



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinij Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

Iesu Christi Annus. M.D.XLVIII. Sancti Patris Benedicti M.LXVIII.

urn:nbn:de:hbz:466:1-38498

IESU CHRISTI ANNIS. M.D.XLVIII.

Sancti Patris Benedicti M. LXVIII.

Lugubris hic annus Ordini universo, atque Romanæ imprimis Ecclesiæ, morte viri præstantissimi, & tanto culmine honorum dignissimi, Eminentissimi nimirum & Illustrissimi Cardinalium S. R. E. Syderis Gregorij Cortesij ex Monacho & Abbate S. Benedicti prope Mantuam Cænobij, ad purpuram evecti, in purpura niveo animi candore eximij, omni Virtutum cultu ornatissimi, ut ipse purpuram magis ornaret, quàm ab ipsa ornaretur, ad omnes pro Ecclesia exantandos labores ad sanguinem usque paratissimi, in consulendo prudentissimi, in exequendo dexterrimi, qui cum eruditione singulari non minus præstaret, quàm integerrimæ mentis summis dotibus, Græcè non minus quam Latine doctus, multa egregij ingenij posteritati sequutura reliquit monumenta, è quibus tamen, incertum quo casu sublatis sive deperditis, pauca, quæ subsignamus, superesse memorantur.

De Viris Illustribus Ordinis Monastici

Liber unus.

Hymnorum variorum diverso metro

Liber I.

Ejus scripta

Quod Sanctus Petrus Apostolus Roma fuerit.

Liber I.

Epistolarum familiarium ad diversos.

Liber I.

S. Basilius de Virginitate ab ipso ex Græco in Latinum sermonem versus &c.

Is quanti semper cucillum fecerit, atque adeo præ hoc riserit purpuram, in ipsa morte, pulcherrimo sanè dicto comprobavit; cum imminente supremâ horâ ministrum quemdam suum sibi à cubiculis compellans: *Ecce jam, inquit, ecce pluribus annis Cardinalis fuimus: quid autem nunc superest de hoc honore? Quanto satius fuerat in Religione mori, ubi minus erat anima periculum?* Mortuus tamen eo securior est: quanto solertius, & quod sui muneris erat, expendit, & pericula cautiùs declinavit: certus quanti periculi esset toti orbi Christiano comprobare, Apostolico Ordini & Collegio insertum, Christi in terris Vicario proximum, talem vitæ, moribus, & meritis esse, qui & dignus eligi sit pro summo Ecclesiæ capite, & dignus eligere, dignusque consulere ex dictatis Divini Spiritus

Insuper dictum mortuus.

Vite integritas.

Ecclesiæ Universæ. Hæc Gregorius noster distinctissimè expendens, purpuram non exambijt, sed expavit, & reculavit, invitus reinuit, & tamen nunquam acceptasse optavit. *Alph. Ciacon. Parvini. Hier. Platius &c.*

Hoc ipso anno probatus solemniter est à Paulo III. Farnesio summo Pontifice *Liber ille aureus Exercitiorum sacrorum* à sanctissimo Societatis Jesu Institutore Ignatio, Manresæ primum, ut supra diximus, meditatus & compositus, ac deinceps diligentius elaboratus, ad cuius perfectionem haud modicè fecisse Montserratensium nostrorum diligentiam & instructionem, atque Joannis præcipuè Cianonij Monachi, viri eruditi & sancti, qui à Confessione Ignatio fuerat, dictamen, opem atque operam; sed ante omnia materiam subministrasse èoque induxisse Beatæ memoriæ Garziæ Cisnerij Abbatis ejusdem loci Exercitiorum librum, monumenta Montserratensia, docent, & ex his Antonius de Yepes noster, Marcus Ant. Scipio, aliique affirmant, & luculentè demonstrant.

Magno omnino Regni Gallici ornamento, Ordinis Monastici tam virorum quàm viraginum sanctissima, Reformatio invalescit, ad confusio-nem invalescentium, per omnem libidinem & licentiam Hæresum, docente ad oculus Numine, quanta sit gratia Crucem suam ultro suscipientibus & amplectentibus, & quanta ob-cæcatio illam aspernantium, illico in tantos tamque abominabiles errores præcipitantium, certè ex unico S. Petri Remensis Cænobio, ad diversa passim toto Regno Cænobia, exemplaria viva sanctitatis expetita, plurimum Catholicos sancto exemplo in fide Orthodoxa confirmarunt, ex illis hoc ipso anno Margarita de Salazar ad S. Petri de Polongæo in Diœcesi Lingonen-si postulata, & Abbatissâ creata, Disciplinæ Regularis curam diligentissimam habuit, multisque alijs Cænobijs facem prætulit; ut nihil de Viris Ordinis præstantibus dicamus, pro meritis ad diversas Cathedras expetitis.

IESU CHRISTI ANNUS M.D.XLIX.

Sancti Patris Benedicti M. LXIX.

Memorabile fortitudinis & patientiæ exemplar, Jüidorus Clarius

V. Joab. Cianonij Liber Exercitiorum.

Reformationis in Gallia successus.